

甯河縣志卷之十四

題咏

賦

憫潦賦 有序

明 苑時葵

吾邑瀕海厥田阜饒者什之二斥鹵塗泥者什之八
每淫霖一集則城可行舟自乙酉至己丑陰沴凡四
作民用蕩析離居催輸急如星火眼瘡未醫心肉再
剗我心傷悲爰申此辭辭云

噫嘻泰元冶鑄夫萬品兮煦厚壤以阜生
穹窿九閔 臬羊守兮漉滉胡越乎駛橫揚黑旛張皂蓋兮激濤
潭而莫之敢撓前飛廉俾楊駭兮屏翳蓬勃而舒縈

甯河縣志

卷之十四 題咏

一

紫貝吞吐閃閃昱兮豐隆闐闐而出地鳴靈曜曠莽
轡欲捩兮金烏黓黓而喪明叩乾晶于玉池兮夫孰
琬銀浦而逆泄緣修霤而灑漏兮霖豐注之未歇沉
沉乎沃日以蕩雲兮漫淵漭而浹滌炭匝匱于塔垣
兮塘渚裂而隄嚙紛局天而踏地兮傷顛木之無由
葉卒卒乎乘槎而舳居兮混鱗鮪以狎堞蚌蚌含漿
日出暴兮蛙獮猙而躍馳鷗鳧逐波上下戲兮詭出
沒于鱗魮游蠶灑澗更吐喙兮矜嶮嶇以呈鱗廣原
噴沆陡飛沫兮陸聯須臾已成渟池淵客賜舩集如

蝟兮夜奏采菱于隈涯適于水者忘於陸兮疇佛惛
此其咨噫布谷一聲曉兮昏從從而罇痔枵束腹穠
且蓑兮聲札札于耕耜服襪穢而沾體塗足兮暴髮
膚而汗泚午晷日昃而黍米餉饑兮拌蒿根與糠粃
羨綠雲之鋪野兮所望不過糜與芑福未得于盈疇
兮禍已成于濫汜望畦隴而愀愴惻惻兮怒涓灑其
若喪室懸磬而三星在留兮夫焉得壺飧于翳桑男
不可以斗粟易兮佯掉臂而莫之償椽實蒲羸拾已
竭兮誰蘊年而估爲之湧翔蹠撐橫而枕藉于野兮
勉扶挈而餬口四方閭閉蕭條嗚吠不聞兮廬一存
而九亡緬紫皇貺佑于九扈兮不破塊與鳴條淫淫
滂沱至彌旬兮任漭漭與沉漂霜娥母頻駐于畢分
兮少女舞兮阿香招錢塘母數惛于涇陽兮白犬出
兮黑蜨跳坊固不可以閉兮禁不可以算逃白馬固
不可以沉兮枉瓠予以興謠軫儼子于軒陛兮司牧
蒿目以摩拊策瞿瞿而無奇兮發帑緩以億數詔廩
人以家給兮月不足于二鬴求升合于監河兮噍餘
沫以相煦夫拊膺以勉妻兮子牽裳以別父鴻哀哀

以向人兮不如殲衺之猶愈矢投體以秉虔兮敢祈
禱于皇穹反疾威以降祥兮起捐瘠於溝中縛診崇
于冷淵兮飭雷師與雨工勅篩翁以勾達兮馳羲馭
于晴空惟含秀與垂穎兮藏稌穰于腐紅

七里海賦

舉人馮城南海人

伊水德之靈長運自然之妙有流而爲江河蓄而爲
澤藪洗洋自恣或水擊呂三千芥慧不存或冒吞乎
八九兼包造物之權噴薄才人之口緬雄風於朔漠
浪拍渠梁窮遠目於荒原氣蒸畿右非湖非渚畧仍

七里之稱爲澮爲川實總衆渠之首故曰海而爲名
宜其廣而能受也乃瞻形勢爰溯窮荒洪濤漠漠巨
浸堂堂渺瀰地軸淳涵天綱據坎源之正位覽兌澤
之廻翔歎飲通乎四野泱漭溢乎中央於廓何年遠
擘九州之派委輸不盡長居百谷之王當大雨之時
行遙添浩淼合細流之屈注倍極汪洋雖約循其畔
岸終難得而測量於是灌海通波引流赴瀆關彼沮
洳蔭茲原陸曲里後海緣其隈淮淀甯沾濱其足旋
折則浦漵潺潏渟法則洵淋交屬堪火耨而水耕兼

溝蕩而瀦蓄紫瀾秋漲歸其壑者不憂汎溢爲災碧
港潮平播爲河者更作提封之沃豈特決之使道衝
風與駭浪同安抑且生也無涯百產偕四時並育故
其爲物也則有元鶴白鷺鴻雁鳧鷖鴛鴦鷓鴣鷓鴣
鷓鴣朝發河海夕宿江湄隨波澹淡咬藻遊嬉鱸鮓
依蒲而澆潏蛟虬跋浪目躩踞縱鯨鯢於沆瀣躍鯨
鯉於漣漪鼓唇窟而掉尾乘迅復目揚鬣鼉魚鼈
之鄉延緣澶漫蘆葦蒹葭之渚荔蔚參差鱗鬪飛潛
包絡空濛之域菹叢綿邈紛敷雲漢之涯登白蘋兮

騁望乃宛在乎中坻爾迺海甸春融風烟澄曠柔櫓
輕搖扁舟徐放旣擊汰目揚舲亦浮洲而狎浪惟極
浦兮逍遙發陽阿兮浩唱羌日暮兮忘歸看布帆兮
無恙萬頃泛琉璃之宇人在鏡中一葦窮渤澥之遙
船從天上寂寥良夜寒星皎月平鋪雜遝羣靈翠蓋
金支搖颺此皆緣勝景之恢閔而寄遠遊之豪蕩者
也至若雨昏海角雲暗溪頭廣漠無人之野危檣獨
夜之舟彼含沙而伏莽或循江而習流胠篋桂苻之
澤椎埋水草之洲想前朝之喪亂動估客之悽愁歎

滄桑其屢易慨陵谷之經秋今則瀾安北陸風暢上
游掃欂櫨於絕塞滌狼豕於荒陬覽川原之膺膺等
江漢之浮浮扁艇隨灣而接觸黍稷垂穎曰盈疇是
則茲海之環滙實爲遠滋所經由又何怪乎吐納靈
潮拓郊墟而永奠降望大壑稟元氣曰長留也哉亂
曰積水滔滔草莽莽兮鉅野橫溢氣激盪兮旱乾潦
潰隨消長兮下爲汗澤庶得養兮左右游波平如掌
兮原泉灌注任深廣兮羣沽湮淤資滌蕩兮報懇增
賦策終枉兮秋水時至遭沉泱兮因勢利導演膏壤

兮

觀海賦

邵蘭譜 邑人

繫來遊此土兮每探勝於芳時覽滄海茫茫兮極宇
宙之神奇不知其幾千萬里兮勢浩蕩而迷離百川
奔騰以來歸兮咸翕受而靡遺其安奠於地脉兮實
聯絡夫天池忽雪浪之翻飛兮助威厲於封姨於時
島嶼若搖怪靈畢出溟溟兮雲雨來濛濛兮烟霧密
熬駕山兮蜃爲樓龍之宮兮鮫之室鯤鵬變化而無
方兮鼉鼉爲梁而迅疾波臣泳游而自在兮天吳崢

嶮而莫匹日顧盼其如迷兮意恟怛以若失思彼乘
槎以往來兮何履險而不驚窮日出於扶桑兮聽織
女之機鳴隨波兮下上歷時兮陰晴採珊瑚兮璀璨
尋隋珠兮光明紫石砌兮仙闕弱水阻兮蓬瀛信踪
跡其可到兮恐身非弱羽之輕徒慨想夫昔事兮偶
觸目而寄情若乃旦則浴夫日華暮則滔夫星斗滉
太虛而一氣兮得包羅夫衆有環八極而無外兮納
江河於戶牖廣無畔岸之可畫兮深祇蛟鯨之所守
笑拘墟之蠡測兮甯咤叱而石走誰造管而浩渺兮

緬思蘇陸之手爾其秋色清華兮來爽氣以襲人策
欵段於海濱兮滌胸次之囂塵或云魯連之所逃兮
輕意肆志而食貧或云子春之所居兮坐撫孤桐而
移神有負石之徐衍兮意懇懇其欲伸有煮石之鮑
靚兮節凜慄以峻峭此皆志士之所爲兮而無關於
休臻仰維

聖人有道兮波甯靜而不揚萬國其來同兮甯獨獻雉於
越裳小共大共兮鱗集舟航稽拜於

闕廷兮羣瞻

雲日之光統海外而遵路兮六宇協其平康
聖治之所升兮咸五帝而登三皇

詩

夏霧銀鮮

明通判
范兆祥

潮河吞吐海潮迴宮廠黃旗壓境開絃誦喧啾無犬
吠却驚中使打魚來

蘆臺玉砂

海涯炊子幾家存鹽法年來亦病民作俑人歸何處
去玉砂猶自蕩江濱

甯河縣志

卷之十四

題咏

七

前題

苑時葵

茫茫巨壑蕩平沙飛輓誰經帑計賒破壘燒殘炊竈
火荒池漉盡水晶花敢辭土賦供軍國無奈商巇散
戶家悵望明光誰草奏長安咫尺卽天涯

蘆臺聖母廟神絃辭

明邑令
高承珽 嘉興人

我擊鼓兮潭如神之來兮七十二沽我牲牢兮旣薦
神之去兮九十九澗煮水兮海塿紛萬竈兮青烟魚
龍安宅兮風霧母作詔我民兮報祀有恪

食銀魚

一束冰簦出水痕
蘆臺霜信蛤山根
只愁糝附油蒸
慣食法鹽厨試細論

澇

明進士牛魯寶坻人

渠陽積霽雨夜洗衝長川
茫洋滿城東遂令民無年

移家宿巢木鬻產租魚船
誰上憫災疏排闥號旻天

嘉靖十年大水

彩鷁含風拂練川
浴鳧飛鷺遠浮天
蘄門烟雨湘江

景茗火漁簑共一船

海天東勝

國朝大學士杜立德

甯河縣志

卷之十四

魁咏

八

浩淼層烟上盱衡百谷從地天
一氣接遐邇共朝宗

萬初銀山湧千霞曉日衝

神京左輔壯

清晏慶提封

長河潮汐

源頭澎湃來何處
上下千谿幾刻通
子午濤橫天地

濶陰陽氣滿古今雄
盤紆宛委隨龍甍
海澨山嵐助

化工大信孚人朝夕
爽盈科更見溥旋功

和陳憲生咏準提閣

叅霄宏閣挺蒼松地枕長河遶梵容入檻香臺看浪
擁迎眸丹棟倚雲封千邨壺棗依初地兩岸蒹葭列
鷺峯極目秋光看不盡半天鐘磬響重重

秋日遊北寺

蓮臺清勝偶來攀景物遙臨另一班登刹盱衡平海
岱對牕仰卧見雲山長河屏拱封甌固環圃青叢秀
靄頽縱有名崑僧占處禪林若箇數其間

酬杜純一年兄久別贈言

明進士

李孔昭

薊州人

宇內甚曠遠日月一何速人別十餘年容顏易昔風

甯河縣志

卷之十四

題咏

九

把酒話浮沉世事良反覆感君雲霄客諄諄念樸櫟
非才安蹇劣非能愛林麓况值愁病侵甘心學草木
所恃有故人脫衰方秉軸立賢遍遠邇造我蒼生福
四海息兵荒野老樂耕讀轉瞬功成時偕手說蕉鹿
酬同年杜二純一給事

黃門青瑣君思我流水高山我憶君日月天邊千里
共風雲夢裏片時分一行瓊玖承遙惠兩岸蘆花不
當芹若問故人何所樂南窗獨倚醉斜曛

海上謝崔錫齡

錫齡卽周田也

逢君傾蓋解瓊琚意氣三年興有餘風雨床頭燈共
剪琴棋階下草忘鋤高堂代我供甘旨花院呼兒說
史書若此交情何所似燕雲滄海可能如

上寶坻相公

檢討
毛奇齡 蕭山人

坐論安公府平章佐

聖朝開疆逾漢鼎致主並唐堯殿借山爲棟樞隨斗建杓
身紆丞相綬世插侍中貂宅俊區三事班行絕百僚
才名張道濟器識李文饒金筋籌還直彤弓賜轉昭
璿臺熒玉燭土戌息銅鑣階峻依辰極門間近午橋

宵河縣志

卷之十四

題咏

十

登龍爭曳裾走馬亦啣鑣好士同三吐寬人減八條
量能容海岳言且詢芻蕘寶錄傳千禩祥鸞下九霄
祈年諸告在應使勒青瑤

登鎮海臺

王師旦 寶坻人

雙臺對峙兩灘頭倚徙登臨滿目愁貫日驚沙迷宇
宙排天愕浪失滄洲數行殘碣疑蟲蠹幾片飛帆共
鳥浮悵望家鄉雲黯淡孤村煙景思悠悠

訪王淑莘

廣信守
杜恭俊 邑人

王子讀書處悠然塵外尋入門惟見柳到戶卽聞琴

翠竹分秋徑繁花雜暮林幽棲雲水路開卷聖賢心
草閣楊雄賦茅亭謝眺吟曲肱登孔席懷寶任原襟
雅趣追先哲英才羅近琛烏情隨俯仰鷗志肆浮沉
論別將經歲相思直至今乾坤吾道契風雨故人音
拂塵山光納飛觴海氣侵應知談笑意不讓大河深

潮河銀練

洪肇楙

見前

維潮有信豈空談夕去朝來肯二三匹練卷舒隨闔
闢百川盈縮任噴含迴環沙港開晴樹往復帆檣染
暮嵐細雨濛濛風景好望中依約認江南

宵河縣志

卷之十四

題咏

十一

登北閣有感

舉人 陳佐

文安人

巍巍高閣出平蕪此日登臨覽壯圖水繞四圍頻注
海雲連一片直通都燕梁風土猶今昔元老芳型想
有無景仰前賢徒悵望惟從故里訪遺模

北塘口砲臺望海

王榮勛

渤海之北北塘口沽河南下潮聲吼年來幾度到海
壖縱日常恨無山阜高高遠見雙砲臺前代備倭曾
嚴守瓴甌頽如灑瀕堆其一巋然尙壁陡迂途竟往
褰衣登心胸開豁恣矯首積水連天氣渺茫蓬萊方

丈知真否仙人來往似可逢安期棗沁麻姑酒島嶼
遠近類鳧鷖欲問碣石淪已久誰將鐵網罾珊瑚釣
鰲擬倩任公手蜃樓變幻雖未覩大觀自覺精神抖
吾聞燕齊遼左環少海朝鮮遙指如襟肘路轉成山
通大洋萬國梯航從戶牖海氛自昔多烽烟于今有
道等池藪青雲干呂海無波奇珍異寶中原走最是
漁人帆檣樂打魚滿舶金盈斗夕陽潮落砲臺邊家
家曬網歌擊缶

蘆臺秋興

四首

吳肇元

見前

甯河縣志

卷之十四

題咏

三

何年雄鎮古蘆臺平楚蒼蒼晚照催舊事曾聞多戰
伐深秋唯見有蒿萊狂瀾不障滄溟去朔氣猶從碣
石迴滿地霜華無限意天涯日暮尙徘徊

一望驚心秋已殘碧雲黃葉共漫漫舟通遼海奔流
急地近漁陽大漠寬弔古欲尋陳迹邈寄懷唯覺夜
吟寒三年踏徧無終路不見當時管幼安

草黃沙白總離離又是霜飛木葉時孤獸索羣號落
日暮禽知暝覓高枝有懷投筆身空老欲駕長風歲
已遲羈旅不堪頽眺遠川原蕭瑟竟何之

鴈聲又聽唳雲間極浦蕭森去復還浪跡祇今真到
海薄田何日始歸山霜銷草色青郊冷風攪蘆花夕
照閒梗泛身名休更問滿天搖落正摧顏

蘆臺歲暮雜咏 二首

飄萍無定在歲晚尙蘆臺日短荒邨暮風乾眾竅哀
蘆遼餘往迹憑眺憶邊才悵望斜陽外寒雲鬱不開
短景催殘臘胡爲尙不歸堅冰斷行旅積雪壓柴扉
忽忽華年改區區晚計非空餘一長劍高望倚斜暉
蘆臺長至用少陵韻

甯河縣志

卷之十四

題咏

十三

節序忽忽老病催客中又見一陽回欲覘佳氣徵
管無那羈心冷焰灰殘夜獨看遼海月春風空憶隴
頭梅百年人事憑流轉且酌屠蘇漫舉杯

蘆臺九日

尊前又見菊花開獵獵西風短鬢催三徑寒香空粟
里一庭秋色自蘆臺逢歡幸不辜佳節消渴終愁負
綠醅我欲登高迷處所滿天霜葉鴈飛迴

永濟橋落成

劉灼 邑人

鑿石爲橋鳩眾工觀成村口卧長虹三春盡費磨礮

力數世應邀利濟功環繞波流滌上下往來旅客接
西東他年題柱何人手駟馬高車氣概雄

北塘

舉人關上謀南海人

海角孤懸道路平繞門吟眺寄閒情四圍煙散邨無

影萬頃風微浪有聲岸曲輕帆縈別浦地窪城水上

荒坪臨流近日添些事紫蟹銀魚細品評

一載栖遲澤畔身閒吟兼備采風陳魚蝦地享無窮

利花柳天留有憾春

地城不生草木

衰草荒臺南北岸晴沙

古渡往來人關東好是糧船返海口鑼聲幾度頻關東

甯河縣志

卷之十四

題咏

古

船近口必鳴鑼數巡

登北塘口礮臺

四圍岸斷海潮寒俯仰中流得大觀遠水微茫疑地

盡孤邨寥廓覺天寬兩涯烽火傷離亂百載波濤慶

奠安我欲扁舟隨釣叟滿江風月一漁竿

銀魚冰鮮吟 二首

銀魚及冰鮮忍說甯河出太息下網人雪風寒透骨

冰鮮及銀魚口腹何足慕圍爐把盞人曾念斯民苦

北塘捕魚辭

清晨搶網出河干網罷廻舟夕照殘幾度淒淒風又
雨四圍煙水一身寒

兒童幼小卽艱辛半分魚蝦亦救貧

童子初出海搶網止得半分

顧復甫離慈母手茫茫白浪作漁人

格外淒涼不忍看冬初時節及春殘滿流雪氣身徐
下一寸深來一寸寒

銀魚肥白是冬天鑿破層冰出水鮮寄語啣杯應細
嚼許多辛苦到尊前

馬跑泉

舉人馮城南海人

甯河縣志

卷之十四

題咏

五

刺刀飛山泉卓錫成井渫造物無盡藏精靈互宣洩
坎水本隱伏乃忽出自穴霜蹄一疋阜快若積溜決
天漿漱寒甘神瀆湧清冽沈沈碧琉璃冰華澹澄澈
垂瓶可用汲洞酌仍不竭厥土惟斥鹵奚翅淄澠別
譬彼蕭艾叢芝蘭擢芳潔醴泉如沆瀣得此庶堪埒
冷然作醍醐爲灑鹽竈熱

冰鮮行

水澤腹堅冰穹窿四野栗烈吹寒風長河驅車如履
陸澆漭直壓馮夷宮渠陽周遭滙衆澤勢與江海相

縈通冬十二月萬物肅水骨瘦削森青銅鯤鮪遁逃
科斗匿晶壁屹立撐于中漁人衝寒臨巨壑憑陵糾
拒何豪雄手足皸痂指將墮陰氣慘澹塞長空迴隄
轟轟浩呼洶上聲如鑿鳥道關蠶叢訇然冰開水鮮出
崩崖轉石聲隆隆以網承溜收小勝頗謂人力齊天
工豈知凍皴皮肉死河伯憫此蒼生窮高堂狐裘披
蒙茸閉門圍爐烈火烘霜條雪片歸七箸歡娛蕭瑟
隨始終致之匪足矜異物穿漸涉泮堪哀惘况復解
凍魚始上獺祭之候古所崇春則出野冬入室反此

無乃非仁衷民生多艱可太息坐令得失感雞蟲歲
且更始凍谷融日華如蒸皎曠曠是時打魚恣撐突
潺湲撥刺纏水萍鯁鯉鱠鮓賤如蓬歸來爲君庖廚
充烟水綠淨萃漁艇更聽浩歌海天東

七里海

舉人

張世泰

順德人

渠梁自昔誇雄封西南巨浸天濛濛七十二沽各盤
繞逶迤地脉相聯通青龍灣接筐兒港滙此七里何
奔溼上游後海注曲里尾閭宣洩量則充梁城久已
號澤國旱澇歲至煩人功詎知此地極滄瀆敷施翕

受如虛衷稱名雖小利自溥應悟大澤神包容涵虛
滉漾渺莫測波光一碧上下同滄溟渤澥肆汪濊覽
此汨汨搖心胸望洋取次發浩歎掀波激浪翻魚龍
有時風雨老蛟泣光怪往往驚兒童颿檣出沒等飛
鳥咫尺萬里排長風八門五河亦奚有甯沾淮淀紛
西東我來訪古到海岸傳說尙足駭愚蒙當時春夏
盛霖雨平川曲港皆朝宗茫茫委注盡寥廓水天蕩
漾浮青空邇來廢興三百載欲尋遺跡將安從桑田
斥鹵幾遷徙母乃近利歸老農

甯河縣志

卷之十四

題咏

七

予游梁城人有言海城之奇者與東坡所紀登州海
市相髣髴惜未能一覩爲快也因用坡韻記之

欲窮四大叅色空往往樓閣凌胸中世人志怪肆奇

詭瀾發陰火焚龍宮

甯人有海燒之說謂海龍王燒宮也事殊荒誕

大千變

滅本遊戲位置底用歸元功無端示象露色相首尾
莫測驚神龍海城海市理亦一奇觀快觀輸髯翁茫
茫雲海日千變淮南雞犬誰雌雄與人爲緣亦偶耳
造化役役母乃窮靜中忽動感物化何異秋肅生春
融豈其天上巧結撰玉樓金闕靈所鍾達人縱觀無

不可安得計彼畜與豐我生擾擾大塊內此心未鍊
如頑銅目迷五色亂金碧凌虛結想空臨風

重陽同莊劓新北閣登高懷韋書城馮宗山

客裏過重九朋遊興未闌來登準提閣遠眺薊州山
白髮添鄉思黃花破旅顏題襟有良友消息阻京關
戊戌夏望雨行

邑令 關廷牧

梁城濱海地斥鹵石田犖確胥城土烈日炎蒸氣城
鮎會須灑屑滋時雨今春日暖膏澤稀麥隴青青華
未吐眼前播種事深耕郊原坼裂鋤犁苦五日不雨
將無麥十日不雨將無黍炎炎敷天杳莫極蟲蟲蘊
隆至夏五申禱何必焚巫罔蒞政三年愧循撫舉頭
日日企甘霖西郊雲密渺何所

甯河縣志

卷之十四

題咏

六

天子圭璧走羣望省刑釋獄清囚伍惟德動天天必應大
澤行須先 畿輔城土炎蒸一日消麥秋急待西成
補

步王贊治北塘口砲臺望海原韻

崔正音 邑人

青龍東滙逼海口激湍喧闐風雷吼奔潮逆貫百谷
鳴積浪排空如山阜夾岸雄峙雙砲臺北塘之北北

塘守而今圯向海之濱偶一登臨形勢陡皇華使者
賦安瀾川后天吳皆引首漁人日日狎鷗鷺鼓腹會
識

帝力否憶昔秦皇漢武海上遊有無方士長生酒晉唐相

繼立軍屯爾時兵戍淪已久金元籌餉竈煎興計入

新倉貴璫手蠶蠶倭匪撼前明扼要設防神爲抖

聖朝道洽百餘年控馭萬國如臂肘遠西遼東海市通桅

檣出入北門牖支河疏瀹濟南漕

別駕爲挖挑新河督催薊運到此今

因勞民統運通倉矣

勞歌小試魚鹽藪璘璘珍錯貢燕京別駕

甯河縣志

卷之十四

題咏

九

威叱鯨鱷走行爲舟楫濟大川佇乘靈槎泛牛斗登

臺一唱海風清和歌徒擊秦人缶

蠓山

種別龍宮結體靈盤根水底峙山形胚胎已孕河光

白犖確猶含海氣青日上斜烘房密栗風迴微拂浪

清泠截流萬古疑爲柱誰轉層嶢入北溟

馬跑泉

邵蘭譜 邑人

蕭蕭萬馬赴東征海水蒼茫駐甲兵
鹵未堪供飲

具潺湲忽訝湧泉聲蓬門今日提瓶挈羽衛當年按

轡行從古有源長不竭經過但聽轆轤鳴

營城

天策神威震八方垂衣猶欲指扶桑樓船選將弓懸
月城堡屯兵劍拂霜誰識垣牆猶歷歷祇看烟水正
茫茫行人休問初唐事古壘荒坵半夕陽

前後寨上

連接營城東有村猶言鄂國舊軍屯停車漫欲尋陳
跡插棘編籬野老門

司甲坵

甯河縣志

卷之十四

題咏

三

國家武備重修明况在艱難業始成萬里師行猶製
甲可知英主不銷兵

亮甲坵

數堆矗立土爲坡盡說唐人亮甲坵想是罷征齊脫
胄軍中高唱凱旋歌

炮臺

近海嚴防衛猶存舊炮臺烟雲前事往風雨早潮來
小市爭先集輕帆趁遠開滄波流不息胸次洗塵埃

海城

天雞高唱萬戶曉海氣冥濛逞奇巧迤邐數里巨城
垣兀立空中接蒼昊劃然門開車馬來馬蹄馳騁疾
於鳥紛紛闐闐招市人此時萬怪爭鬪寶不數石家
珊瑚樹那許鮫人織綃好搖漾靈旗出梵宮金碧輝
煌烟氣繞蒼茫不知神祇至蕭颯涼風吹木杪須臾
白日麗晴空幻景都如落葉掃乍有乍無天地間仰
看浮雲意浩浩憶昔謫仙蘇玉局得觀海市開懷抱
笑彼造物哀龍鍾雕鏤物狀徵交藻仙人太乙豈易
逢傳聞海城景色少奇觀未肯輕相呈無端縱目窮

甯河縣志

卷之十四

題咏

三

烟島仿筆爲歌歌海城髣彿置身在縹緲

蜃樓

廉任貢生

噓氣猶成象龍嵒勢不凡波心開蜃蛤樓影耀雲巖
縹緲神仙宅玲瓏巧匠剏凌虛迷晚照倒景映征帆
彩奪鮫人錦輝生洛女衫琳宮成瞬息貝闕共莊嚴
疑有靈鰲戴甯同海鳥銜何人修五鳳天外聳巉巖
咏城西百柳隄

渠梁環綠漲樹柳錦城西綽約秋光迥參差夜月低
籠烟疑漢苑繫艇擬隋隄古道濃情折寒流瘦影齊

有花經燕蹴何樹不鴉啼青眼逢人醉黃金入曲迷
柔絲頻渡陌疑翠已橫溪景物由來好慙無玉管題
觀海

乾坤一氣浩漫漫憑眺蒼茫眼界寬水激三千搖彼
岸風搏九萬足遐觀駕空樓閣猶縹緲吹浪魚龍自
屈蟠莫向市流誇砥柱

清時久已慶安瀾

北閣晚眺

虛閣松風集晚涼閒來眺盡水雲鄉長空落日依平

甯河縣志

卷之十四

題咏

三

楚遠樹浮烟接大荒繞郭樓臺多暮色隔溪禾黍半
斜陽憑欄會得蒼茫意欲寫晴光興未央

文閣四時讀書詞

劉立謔恩貢生

聰明几淨日初長高閣談經樂未央花繞筆床閒吐
艷草縈書帶暗生香欲尋緒論遺糟粕好趁韶華勉
就將羸得春風時滿戶何須深柳讀書堂

桃李芳菲已破春研窮攻苦計昏晨縱教簡策歸陳
迹直使心源印古人檻外濃陰聊共適枝頭好鳥鎮
相親舒長化日甯虛度忘却炎蒸氣益振

閒試名香掛玉鈎風簾捲盡小窻幽良宵佳興供吟
詠永日精思自息游燈影暗移花影亂書聲長逐樹
聲秋疎櫺幾曲風過處疑有文光射斗牛

敢誇文史足三冬繼晷焚膏興轉濃寒迫硯池冰已
結光搖書榻雪初封十年志願追前輩千古文章有
大宗著述名山非細事謾將頭腦笑冬烘

登北閣

廉芳 邑人

巍峩閣勢絕塵埃北牖南軒面面開搖曳好雲盤嶺
出鬱葱佳氣

甯河縣志

卷之十四

題咏

三

帝城來人歸渡口呼輕艇鳥聚村邊噪古槐已拓忘機方
寸地風烟延覽獨裴裒

楊七郎墓

徐犴 邑人

宋室將軍勇絕倫英靈凜凜至今存一抔遺土千年
恨百戰神威萬古尊風急濤聲悲壯士月明葭影弔
忠魂野人亦自知加禮不敢樵蘇近墓門

原八景

海天東勝

邑令 翰林 徐堂 祥符人

寥廓真驚地闕東

聖朝清宴佐鴻濛無邊波影徘徊合不盡天光上下同日
出扶桑輝

紫極月臨方丈擁

彤宮望洋莫歎源難測須識觀瀾自可通

七里烟波

楓宸擘畫計民安捧節臣鄰未解鞍水自地中歸渤海

恩從天上出

金鑾跳波鮒鯽皆觀化浴日鷓鴣亦解歡蘆荻蕭蕭明月

夜漫同二十四橋看

齊河縣志

卷之十四

題咏

十四

潮河銀練

濤光容與細風和灌溉青青萬頃多源自盧兒峯底

出

河從遷安盧
兒嶺發源

浪從麥子陌頭過

邑南有麥子沽
係河之曲折處千

層綺纈渾如拭一片晶瑩豈待磨誰道天孫能巧織

人間亦自有銀河

蘆臺玉砂

何須勾漏覓丹砂府海由來利自奢調鼎味堪資黍

稷持籌用不減桑麻風裁瑤島三山葉日綴瑤京萬

樹花富國濟民皆本計甯將珠玉鬪紛華

薊峯遙翠

邑無城郭地無山甯邑無城四面以薊運河環繞若水城然水接嵐光若

可攀海上風移丹嶂樹日邊彩結翠雲鬢龍從東控

盧龍塞迢遞西通白馬關清曉北樓抒遠望直疑身

在九華間

江口漁歌

憶昔乘槎過洞庭漁燈點點映寒星而今佩綬來東

國曬網家家集野汀櫂韻低徊江水白榜聲高下暮

雲青莫言稚魯窮川澤鷗鷺忘機睡未醒

甯河縣志

卷之十四

題咏

三

糧艘風帆

輸輓南來達

帝州舳舻相接滿汀洲波濤桂楫牽新藻風激牙檣起宿

鷗輕浪劃來疑海舶落霞隱處儼蜃樓

陵園佳氣綿千禩粒米皆關

膚哲謀

北塘雙壘

水不揚波萬國來海門紅日射雙臺凌涯倒影驚龍

窟夾岸盤渦聚蚌胎飄渺齊青千艇過縈紆長白一

帆回

太平偃武非忘武夜柝聲聲向曉催

新擬八景

海天東勝

舉人 余炳 諸暨人

攬勝知天險提封表海雄朝宗歸有極控馭及無窮

地拱

神京北圻分畿輔東不揚波已久清宴慶攸同

文閣廻瀾

高閣臨無地長流接遠天盈盈環一水混混識原泉

宵河縣志

卷之十四 題咏

三

學海淵深矣文瀾日富焉作人欽雅化邑里聽鳴絃

蘆臺玉砂

蘆臺饒海錯天產一何賒日麗銀為屑風吹玉作砂

用堪調鼎利可敵桑麻

國計民生係時勞

睿慮加

潮河銀練

長河飛匹練遠水帶歸潮雲漢垂天下馮夷駕海遙

瀾廻紫霧縠汐湧登水綃千載金隄固安瀾莫

聖朝

甯沾樵影

兼老蒼蒼日樵歸處處邨行歌喧晚景散影集平原
披拂風初度參差日欲昏遙看沾十里月色映柴門

江口漁歌

何處傳清響歌聞江口漁停橈來隱隱鼓柁聽徐徐
楊柳風前度蘆花月上初故鄉猶約暑轉自憶鱸魚
七里烟波

巨浸渾無際爭傳七里名波光涵上下烟靄渺縱橫

甯河縣志

卷之十四

題咏

三

阡陌滋培廣河沾翕受宏爲傳秋水至不覺望洋驚
北塘雙壘

烽烟久已息故壘尙依然並峙雄 畿輔雙標控海

天登臨殊渺渺形勝自年年幸際

昇平盛金湯慶萬全

潮河銀練

唐山楊德瑞人
令

海潮應候長還消百里縈紆練影遙煙散素光拖半
幅風來紋縐卷千條鮫人底事矜奇巧河伯無心任
蕩搖好向澄江分淨色吳兒白紵謾相驕

文閣廻瀾

星輝水繞勢崔嵬畫閣高標傍水隈欲以文章當障
挽直教奎壁瞰滌洄凌虛似與微垣近倒影疑從銀
漢回陸海潘江爭氣象還看鍾毓濟川才

海天東勝

關上謀

見前

萬派此朝宗茫茫形勢雄水天一氣合中外片帆通
蜃蛤濃噓霧鯨鯢怒吼風日華朝更麗紅徹海門東
文閣廻瀾

傑閣臨河曲溶溶活水來星光九天下鏡影一池開

甯河縣志

卷之十四

題咏

三

登岸原非遠狂瀾自此廻菁我欽

雅化中吐育英才

蘆臺玉砂

鹽產蘆臺盛持籌佐度支法原前漢備利自後唐貽

零落德鈞廟

在巡檢司內久廢

馨香聖姥祠玉砂今尙在足

國總堪師

潮河銀練

近海潮生急河流勢欲飛日烘綃影淨風濺穀痕微
鯨室方難及龍梭擬恐非澄江詩句好長憶謝元暉

甯沾樵影

腰鎌各一肩歷歷望中懸草木荒原外羊牛落照邊
跡堪漁父缶景作畫圖傳幾曲歸途晚微茫入暮煙

江口漁歌

江天淨如洗一曲扣舷長隨意舒懷抱無心按羽商
風過楊柳岸月滿水雲鄉誰是知音者紅塵笑客忙
七里煙波

入望總瀾漫煙波互激湍

恩開三次利

經三次水利
案內疏濬

勢接五河寬蘆葦中人產魚鰕

甯河縣志

卷之十四

題咏

完

上客餐眾流宣洩地休作望洋觀

北塘雙壘

覽勝北塘口荒臺對峙高兩涯嚴鎖鑰一線走波濤

俯瞰魚龍窟遙通米粟艘

甯邑關東商運
糧船俱從此入

太平須有備夜柝莫辭勞

海天東勝

邑令 關廷牧

溟海東漸接混茫青天一髮是扶桑三韓島嶼浮烟
外九澤魚龍積水旁高浪駕空長渺渺遠雲流影鬱
蒼蒼由來管蠡難窺測河伯惟應愧大方

文閣迴瀾

傑閣崢嶸壯斗杓下環碧水上干霄滄江屈注迴瀾
蕩紫極凌摩帝座遙奎壁自應當砥柱風濤况復助
扶搖天樞咫尺通溟渤企覩靈鼇踏怒潮

蘆臺玉砂

斥鹵晴堆也自妍牢盆璀璨雪花蒲移來烈日鹹潮
處積向荒原古壘前誰道海濱開美利翻同景物關
澄鮮銀魚莫更矜奇饌暑雨風霜並可憐

潮河銀練

甯河縣志

卷之十四

題咏

三

一線靈潮海上來臨流真見雪成堆風迴野港明漪
濯烟潤澄江素練開曉楫暮帆隨激灑渚鳧汀鶴逐
滌洄廣陵八月銀濤裹白馬吳門莫浪猜

甯沽樵影

渠梁西盡漠荒原戴笠腰鎌萬影屯秋水蒹葭斜照
路衡門烟火野人村且因川澤分林麓恰擬芻薪在
圃園極目蒼茫歸路渺遠坡如簇遶黃昏

江口漁歌

烟消日出正揚舫天際漁歌隔岸聽欸乃雙聲搖淨

綠滄浪孤思入空青閒敲桂楫風歸浦靜捲蘆簾月
印汀一曲陽阿數腔笛菰蒲深處隱清冷

七里烟波

洪濤瀾汗廓沮洳坎水流盈野旣瀦澤可備霖兼備
旱功曾宜蓄復宜疏澹災不作龍蛇穴溥利真成鄭
白渠怪底百川同浩淼烟波無際灑天墟

北塘雙壘

海門雙峙鬱嵒設險人曾枕鐵戈兩岸風烟猶石
壁千家營壘自江波洗兵絕漠威稜遠落日荒臺慄

甯河縣志



卷之十四

題咏

三

旣多鼓角鄉關形勝地天教

文德奠山河

海天東勝

生員 單煒驤 高密人

百川傾瀉接鴻濛蠡測誰分造化工地軸翻雲迴冀
北天池浴日照關東蜃樓氣擁黃金闕鮫室光含紫
貝宮安得仙槎尋舊跡秦橋漢柱有無中

文閣廻瀾

傑閣巍峩傍曲隈梁城四面水滌洄晴分晚日三山
出風定寒塘一鑑開彩筆香生司祿舍文瀾影上讀

書臺閒遊憶得憑高處會見魚龍變化來

蘆臺玉砂

權院持籌豈等閒平臺指點舊嵯關蘆花岸吐村村
月玉屑坳堆面面山野浦鴻驚炊火去晚涼人帶櫓
聲還由來筦算推劉晏撫字頻憐漉曬艱

潮河銀練

遠接滄溟素練飄濠梁有興淨塵囂觀瀾自識盈虛
數潤物何分上下潮野鶩驚濤迷紫塞溟魚捲浪破
青霄積灰竊壤誠多事海晏河清誌

甯河縣志

卷之十四

題咏

三

聖朝

甯沾樵影

桃源亦復事桑麻樵影甯沾別有家細柳青蒲留歲
月腰鑱肩笠領烟霞馬牛風遠酣春酒鷄犬仙成啄
落花記譜雲林圖野趣歸來兩兩夕陽斜

江口漁歌

長河波滙看漣漪萬頃烟雲理釣絲欸乃聲聞秋水
遠喁于響徹夕陽遲葦村月白收魚笱柳岸風清漾
酒旗十載江鄉空夢裏燕南景味恰相宜

七里煙波

漫說泉源一勺多端倪那不盡包羅千層雪浪連三
岔七里烟波聚五河地僻岸鄰蓬島近天空舟載月
明多浴鳧飛鷺無今古逝水流川感若何

北塘雙壘

水色溟濛暗野塘蕭蕭故壘影蒼涼漁陽鼓角空軍
戍海國風烟記戰場鷗泛白雲歸碧落龍圍紅日到
扶桑

時清地久無烽火玉帛東來集萬方

甯河縣志

卷之十四 題咏

三

海天東勝

舉人魏禮焯 豐潤人

天入東南地勢平海隅寥廓拱

神京山從薊野中條伏水自津門三岔傾斥鹵畦開當
暑溽泥塗地曠散春耕縈迴百里河三曲雉堞何勞

築石城

江口漁歌

何處歌聲起暮秋半江紅葉滿漁舟深蒲魴鯉乘潮
上小艇鷓鴣傍晚遊如此清音傳極浦漫誇水調唱
楊州濠梁莫辨人魚樂蘆荻花開月似鈎

七里煙波

西南大澤瀉諸河雨潦平添不厭多疑有三山飛到
眼誰量七里輒盈科雲蒸海嶠龍翻水霞起滄溟日
落坡一葦會當凌萬頃擬尋蓬島踏靈鼉

北塘雙壘

大河南北岸當中故壘高瞻野戍雄對峙倒翻江口
月雙標分折海門風於今澤國無烽火終古危樓插
碧空請向

昇平論形勝將軍何事倚瑠弓

甯河縣志



卷之十四

題咏

三

海天東勝

拔貢 鄭位中 寶坻人

東華紅日射銀灣深鎖龍宮海霧環島嶼蒼茫窮目
處鯨鰲變化片時間平吞烟浪餘千頃遠駕帆檣盡
百蠻望裏雲垂兼水立衝濤遙注沃焦山

文閣迴瀾

畫棟飛臨九曲河文昌閣外見盈科旋流輕帶芹香
冷晚汐交縈桂影多石柱龍蟠樓近水斗樞鰲負座
連波凭欄覽盡城東勝汀渚遙看雁鷺過

蘆臺玉砂

一自青齊開煮海漢家官器置牢盆三春化日清霜
墜六月空塘瑞雪翻砌玉玲瓏星氣耀積山大小虎
形蹲足邊儲國民生計滾滾泉刀廣利源

潮河銀練

潮頭高湧玉山光水上風迴一線長素色兼天拖匹
練清流沸岸送牙檣晶熒自合憐秋月浩蕩還如憶
楚湘暮去朝來長不息強弓無事射錢塘

宵沾樵影

舉人張應楸玉田人

村外清溪水外田芄葱蘆葦雨中鮮漫言一日尋斤

宵河縣志



卷之十四

題咏

三

斧能與千家給火煙遠近肩橫荒徑裏高低影接夕
陽邊歸來短笛迎風曲半笠斜陽萬樹蟬

江口漁歌

好事生涯浪幾層捕魚歌散暮雲升夾江裊裊千條
柳極浦茫茫數點燈踏浪沿河頻擊楫趁潮結伴共
張罾悠然天籟烟波裏一曲滄浪似未曾

七里烟波

庠生劉慶會邑人

蔚藍數里倚流霞最是殘秋景倍奢霜葉紅沉烟以
內蘆花白徧水之涯乘槎客去雲連岸渡海船來浪

作花看取波光浮夜半寥天一片認飛鴉

北塘雙壘

大海營防實壯哉風濤洶湧失驚雷岸蟠黑水龍蛇
繞頂接紅雲鶴鶴來此日安瀾千里慶前朝戍鼓五
更催緣知故蹟傳非謬不數彭城戲馬臺

海天東勝

劉人睿 邑人

四面波光縣郭開海浮天地更東迴日邊樹擁扶桑
出烟外槎疑博望來何處鰲頭傳島嶼有時蜃氣見
樓臺無須再續元虛賦 畿甸雄風美已該

甯河縣志



卷之十四

題咏

三

文閣迴瀾

參差碧瓦映垂楊傑構遙臨水一方積氣混茫浮地
軸卿雲糾縵接天閭祥徵太史河如鏡宿應文昌斗
戴匡公暇好抒登眺興瀛洲風景曲欄旁

蘆臺玉砂

一片光凝斥鹵田依稀玉暖欲生烟每從畫地量沙
後更憶熬波出素前晴日千家連井甃長途百里雜
車船轉輸歲算司農筭財賦江淮孰後先

潮河銀練

斷港分流應海潮迴颺捲虛浪雲飄誰知極浦瀾生
候轉似澄江練淨朝一線影隨初月上半篙痕趁晚
風消銀濤白馬清秋夜莫憶胥門第幾橋

甯沾樵影

沙汀閒不任農耕日見腰鎌取次行十里敗蘆秋瑟
瑟數聲伐木韻丁丁呼羣且喜官租弛顧影還宜夕
照晴何事入山兼出谷一肩紅葉擔頭輕

江口漁歌

棹歌忽動白蘋秋此地居人半釣舟遺響乍驚清籟

甯河縣志



卷之十四

題咏

三

發閒情欲付暮江流蕭疎遠火依寒渡浩蕩平沙起
白鷗祇合笛聲相應和月明人倚水邊樓

七里烟波

巨澤西南碧漲寬黏天波影見汎瀾迴環併與諸流
匯浩渺真同小海看蒲葉晚風雙鷺浴蓼花秋水一
鷗寒憑誰得遂扁舟興萬頃烟中著釣竿

北塘雙壘

防海何年戍火紅閒從河岸得遺蹤依然隻堠連雙
堠無復朝烽與夕烽古木平原鴉障少春風沙路蘚

花濃登臨只作高坵望尺五天邊紫氣重

海天東勝

崔正音

見前

海邦縱目望無窮上下天光一樣同勢倚層巒襟薊
北派連極浦貫遼東秦人採藥蓬壺杳漢使浮槎月
殿通何似

皇風漸被遠恩流汪濊遍鴻濛

文閣廻瀾

文昌高閣厥河干盪漾清光有術觀矗立每因環裏
現圓流宜向折中看波騰寶氣輝奎璧岸拍雲濤護

甯河縣志



卷之十四

題咏

三

斗壇眺望百川誰作障好憑廻勢挽狂瀾

蘆臺玉砂

燕角滄波斥岸斜引流漉曬日華餘含光入夏疑霜
霰結素經秋映荻花利佐農丞饒並鐵品兼海錯用
如砂爲資民食籌商販肯入新倉吏作牙

潮河銀練

消息何從問彼蒼潮河盪漾湧晴光爲章底費風梭
巧瀉影如拖匹練長不舍原泉分晝夜但通潮汐識
陰陽紋成水面連雲漢天際誰教下七襄

甯沽樵影

沽南沽北草綿芊不禁樵蘇景象全人在白雲深處
出影從斜日靜中傳何妨伐木思求友自足生涯有
比肩雨笠烟蓑無定所歸途兩兩夕陽邊

江口漁歌

行斷潮河滙汝河橫渚停船趁魚多沽人慣唱還鄉
曲浮宅應憐泡子歌響入鳴榔喧夜籟聲餘柔櫓落
煙波江流東去仍朝海剩有行雲邊未過

七里煙波

甯河縣志

卷之十四

題咏

三

望洋浩浩本無邊七里驚濤亦海天蘄寶疏流因地
利鏡光懸鑑合星躔雲間帆挂溟濛過穴底蛟藏自
在眠一片波光迷野淀誰吹鐵笛破寒烟

北塘雙壘

巍峩矗立有高臺海澨登臨亦壯哉對峙似看雲闕
聳雙標如見島門開烽銷春望征帆集檝靜秋聞旅
雁回萬國朝宗

清晏久此邦時頌瑞雲來

海天東勝

劉

潛

見前

滄海遙天闢地東憑高一望氣濛濛
汪洋迴與紅塵隔空洞渾疑碧
落同雲氣陰沈縈貝闕日華爛熳曜
龍宮

熙朝清晏風波少異國來航萬壑通

文閣迴瀾

崢嶸高閣矗江干面面窗開瞰紫瀾
消息遠尋源可溯清空遙望畫應難
風迴蕩漾搖奎璧水作潨洄護
斗壇徒勢凌虛欣倒影何須異地羨
峯巒

蘆臺玉砂

甯河縣志

卷之十四

題咏

四

鹹鹺積素勝丹砂煮海成鹽利更奢
紀物自宜先蜃蛤爲生原可繼桑麻
晶熒野岸添霜氣皎潔荒原滿
雪花淘汰不知凡幾許滓泥去盡見
光華

潮河銀練

源頭活水靜無波一派長川委折多
潮自海分迤邐至浪隨風轉往來過
空中歛灑紋如織虛際明光鏡
似磨匹練遙看澄淨處乍疑天際落
銀河

甯沽樵影

邑南地闢滿蘼蕪好趁生涯作本圖
雨笠隨身依浦

激霜鏃着手話樵蘇平原結伴成三五反照歸途乍
有無指點前村雲水濶斜陽隊裏自飛芻

江口漁歌

不盡烟波接渺溟沿洄艇子滿沙汀團臍新鱗盈筐
紫貫柳嘉魚出網青幾曲悠揚蘆岸濶一聲欸乃暮
雲停滄浪漁父相知否村酒頻餘醉復醒

七里烟波

清時四海慶瀾安激瀉何愁肆急湍踏水鼃鼃潛大澤
忘機鷗鷺漾層瀾乘風舟子隨波穩曬網漁人狎浪

甯河縣志

卷之十四

題咏

四

歡三岔入門同向若望洋真可壯遐觀

北塘雙壘

傳說先朝防寇來洪涯兩岸起層臺虬梁對峙邀紅
日雉堞多年長碧苔久靖海氛忘險固尙留高壘看

潮回

昇平守備常無懈戍鼓長川夜夜催

海天東勝

邵蘭譜

見前

叠浪蒼茫元氣浮海東勝概望中收始知天地原無
外迴視江淮總細流百仞渦蟠蛟有室半空影幻蜃

爲樓清狂不減青蓮興欲向靈鰲試釣鉤

文閣迴瀾

碧流如帶繞爲城傑閣登臨眼界清樹合空濛遙送
翠潮來激盪靜聞聲穿渠灌溉居人利倚檻謳吟學
士情活水源頭無限意文心時向素波生

蘆臺玉砂

玉屑霏霏斥地鹽河干壘積削山尖雪分皓潔光同
燦梅與調和味可兼不藉煎熬功倍減但餘漉曬利
均添年來物產應饒貯葫屋豐盈共養恬

甯河縣志



卷之十四

題咏

聖

潮河銀練

舊遊曾看廣陵潮蕩漾天東影動搖往事浮雲隨變
滅此間細浪靜紛囂幾層曲折風吹縠一片空明雪
捲綃想像澄江詩句好斜陽正合弄輕橈

甯沽樵影

不共青山入畫圖長林差足給樵蘇斧斤尋削聲相
應篋笠橫斜影不孤草色芊綿翻落照柴門迢遞認
歸途就中豈少行歌樂養拙安貧計未迂

江口漁歌

千頃波濤一葉舟隨波上下自夷猶投竿寄盡烟霞
傲對酒歌殘蘆荻秋只此生涯朝復暮無邊清興唱
還酬沿流日暮江風起隔浦吹來笛韻幽

七里烟波

河勢能分海勢雄沓無畔岸辨西東沿洄會合流歸
壑激浪奔騰日瀉空烟樹微茫迷暮靄帆檣隱約逐
秋風乘槎誰覓源頭去可與銀河曲曲通

北塘雙壘

雙壘巍峩峙北塘攀登俯瞰海茫茫乘風舟去暮帆

甯河縣志

卷之十四

題咏

望

疾趁海人來朝市忙甯傲彈丸藏巨猾無忘修甲輯
強梁揆文奮武知兼重分守村官莫懈防

海天東勝

崔鶴儀 邑人

日自西流水自東天光水色有無中行行宿鳥灘頭
白片片飛帆夕照紅派接銀河源莫測襟開大地濶
無窮登臨難覓乘槎客惟有長橋映彩虹

文閣廻瀾

朗朗奎光耀斗牛枕流構閣景偏幽數層突兀長河
繞一片空明四望收學海汪洋分遠派觀瀾曲折認

廻流憑高偶發騷人興擬寫晴光入暮秋

蘆臺玉砂

平原井井滿朝曦玉粒如砂雪映陂欲識富饒歸斥
鹵但看瑩澈遍方池絺能作貢功同著梅可調羹味
更宜記取當年傳灑漉德鈞遺意最堪師

潮河銀練

潮罷還潮潮信真河因近海往來頻隨風蕩漾輕舒
練作雪奔騰直瀉銀高湧寒光搖浦澈平鋪素影漾
星辰何年織女曾遺紵流向人間古渡津

甯河縣志

卷之十四

題咏

四

甯沽樵影

連天碧色望甯沽遍地龍葱盛葦蘆暮雨朝雲餘斧
笠長林豐草話樵蘇丁丁伐木聲相應兩兩行歌興
不孤最是夕陽斜照裏無邊烟水漾平蕪

江口漁歌

蘆花江上利源多兩岸人家盡笠簑一片榔鳴雲外
響幾回漁唱水涯過波涵極浦紋如織網曬斜陽密
似羅小艇乘潮隨上下前溪又起月明歌

七里煙波

蒼茫千頃總澄泓吐納川流海作名烟霧濛濛時雨
過澄瀾渺渺午風清光搖碧漲龍蛇動影倒青天日
月行遙看夕陽雲水際打魚船過浪頭生

北塘雙壘

靜息烽烟閱百年空留雙壘海雲邊潮來鷁見蜃樓
現帆去還疑貝闕連荒泚半濡魚上躍蒼涯對峙水
中穿綠知島國來臣後風雨江干泊釣船

海天東勝

廉永年 邑人

蒼茫極目邑之東海宇澄清一望同日月兩輪經沐

齊河縣志

卷之十四

題咏

巽

浴波濤萬里接虛空曉看蜃氣成樓閣夜聽潮聲挾
雨風一角鴻濛開此地浮天何處覓瀛蓬

文閣廻瀾

文昌閣外碧流廻曲岸方塘宿霧開窓靜生輝連荻
葦波平瀉影倒樓臺濼泗水抱中和氣 用登眺人思
卓犖才彷彿泮宮鍾秀處文光射斗勢難催

潮河銀練

陰陽消息見長河一帶浮光日射波近海潮來侵岸
久繞溪流去潤田多影搖雲漢應相似淨比澄江更

若何清淺蘆灣垂釣者閒鷗作伴幾番過

蘆臺玉砂

由來煮海利無涯灘曬誰知用更除共向方池堆玉
壘誰資仙竈煉丹砂映流恍湧千層浪化雪平添六
出花若作和羹梅並用功成鼎鼐味堪誇

甯沾樵影

草色離離一望遙平原數里遍芻蕘清晨薄霧迷村
路夕照似風隔板橋蘆葦溪頭同蕩漾兒童牛背共
招邀天涯多少出塵趣半在漁翁半在樵

甯河縣志

卷之十四

題咏

吳

江口漁歌

輕舟篋笠業爲漁天籟無端樂只且楊柳岸邊風動
後蒹葭洲畔月明初抑揚擊棹流清響綠繞行雲過
太虛歌罷笑言閒共適豐年瑞已兆多漁

七里煙波

震澤昆明自昔傳誰知七里亦茫然五河三岔歸流
注淮淀甯沾互洩宣遠浦千帆迎曉日夕陽一線靄
晴煙蘆芽滿地魚蝦美時有漁歌出渚邊

北塘雙壘

太平籌畫更周詳
依舊雙臺鎮北塘
對峙兩崖常兀兀
中流一帶自洋洋
層堆雨過苔痕綠
疊壘秋來草色黃
向晚登臨風浙瀝
布帆縹緲掛斜陽

海天東勝

鄭國棟 邑人

乾坤一氣接鴻濛
萬頃波濤極目中
風撼潮聲通塞北
日臨江面控關東
倒懸斗柄傾銀漢
遠印蓬壺掛碧空
更有樓觀窮遠日
曉霞天外破長虹

文閣廻瀾

凌虛傑閣望中分
遍繞波流耀緯文
圓鏡平開光射

甯河縣志

卷之十四

題咏

七

斗清流獨枕氣凌雲
湧來貝錦香浮藻
漾出冰華碧綴芹
始信瀛洲原咫尺
攀躋翹首樂同羣

蘆臺玉砂

新倉舊自後唐來
煮海熬波也築臺
匝岸渾成如雪積
方池擊破訝冰開
儲時人似披雲立
運處帆疑帶月回
一望梁河饒美利
江千長自擁晴堆

潮河銀練

渤海橫空起碧波
却教潮汐漲微渦
風翻鏡裏長河捲
浪瀉灣頭匹練拖
登縹緲成鮫客
手廻文錦織老

龍梭餘霞散綺殊清絕持較川流更若何

甯沽樵影

甯沽直接海門潮蘆葦葱葱地可樵逐伴呼來人在
野撥雲過處斧橫腰高低亂映前溪樹斷續平遮古
渡橋最是葭蒼烟水濶荒郊無際任芻蕘

江口漁歌

河流一帶水淙淙漁父相依泊小江亂唱采菱湘浦
韻數聲鼓棹武陵腔桃花浪裏盃浮百蘆荻洲邊笛
弄雙幾度曲終人語寂白蘋風起倚蓬窓

甯河縣志

卷之十四

題咏

吳

七里烟波

七里茫茫浪接天百川秋灌起淪漣滄波北洩龍灣

渚

北引龍灣河水注之

巨浸南通渤海烟月落坻頭相掩映

北有

地名坻頭

雲浮淀裏共澄鮮

西有大淀

舟人幾處聞敲楫半在

蘆花淺水邊

北塘雙壘

自昔全軍鎮海邦猶留故壘影雙雙近連江北千艘
集遠控遼東百粵降五夜潮來宵鼓急三春風起浪
聲撞退陬絕島烽烟靖廢址長拋繫釣艫

海天東勝

馬儀卿

汪洋直欲接蒼穹一氣鴻蒙聚海東彩繞蓬壺雲影
碧光搖瀛渤日華紅蛟龍噴浪驚秋雨木石填空悵
晚風漫向麻姑問清淺祇今浩渺望何窮

文閣廻瀾

懸象昭明宿應魁平原閣勢甚崔嵬北連斗極羣星
拱東引蓬瀛一水回文藻恩新春浪暖詞源氣湧海
潮催滌洄波折天然趣指點迷津切莫猜

蘆臺玉砂

甯河縣志

卷之十四題咏

吳

應知斥鹵利無涯沿岸稜稜起玉砂累積有山皆碧
岫平鋪無地不瓊花熬波甯記方流水晉寶偏宜井
竈家煮海由來推

廟算長蘆風景尙堪誇

潮河銀練

水遶渠梁接五河浪頭將送湧微波潮廻曲岸千層
雪風剪空江幾尺羅柳絮下時浮白鷺蘆花深處沒
青螺於中解識盈虛數望朔毫釐總不謬

甯沽樵影

競往平原事採樵煙簑雨笠任逍遙水邊曲曲沿斜
徑雲際依依過小橋坐作夕陽千影亂歸來明月一
肩挑只緣擔荷爲生計斤斧常隨白日消

江口漁歌

出沒煙波伴鷺鷥生涯水面自悠悠數杯濁酒羣翁
醉幾笛清歌五月秋鼓枻斜穿楊柳岸扣舷閒繞荻
蘆洲偶來借問垂綸者得似寒江興致不

七里煙波

何必滄溟號巨川而今七里亦茫然晴波激灑千層

甯河縣志

卷之十四 題咏

五

碧暮色朦朧萬頃煙野鷺沙鷗時出沒白蘋紅蓼共
新鮮欲知浩蕩無窮趣秋水夕陽宛在前

北塘雙壘

憶昔軍容盛碧幢空餘故址壘雙雙中流浩渺通滄
渤兩壁崔嵬隱客艖暮角乍鳴秋月冷曉籌初盡海
潮撞

聖朝武備瞻全盛野戍依然奠此邦

海天東勝

廩生 馮肇培 邑人

頓使乾坤豁滔滔海浪衝百川無遠近萬古此朝宗

閱盡烟雲氣消殘塊礪胸三山何處是應許閱僊蹤
文閣廻瀾

傑閣連雲峻方塘一鑑清門皆環曲水邑藉作層城
地小千家聚潮高兩岸平憑欄舒望眼紅見海霞生
蘆臺玉砂

傍海鹽爲業霜華積小山晶瑩涵月魄重叠躡瑤鬢
地擅生成德人同稼穡艱秋塲勞撫戢利藪恐藏姦
潮河銀練

潮落與潮生波翻素練輕綈綉風細細捲浪雪盈盈

甯河縣志

卷之十四

題咏

五

夜浸星辰動春滋草木榮此心遊物外好結白鷗盟
甯沾樵影

大地供樵採萋萋葦葉長去途依古道歸影散斜陽
紛錯烟霞渺空虛色相忘言尋爛柯者屢入白雲鄉
江口漁歌

漩水江窪口漁舟箇箇輕柳陰閒結網蘆岸競飛觥
短調遺宮譜長歌續櫂聲何須簫管備只此足幽情
七里煙波

似海因名海非河恰引河接連前後港吐納去來波

窟靜鼉鼉宿帆驚鷗鷺過漁人能狎浪萬頃寄烟蓑
北塘雙壘

浩浩滄波去雙臺聳北塘烟光連鱗舍日色射龍堂
重地難疎備

清時共廼康

德威聞海外萬國已梯航

海天東勝

董桂林 見前

禹步碣石東朝宗向海若扶桑波際天日月所噴薄
曙霧曉霞升九鳥爭浴作震蕩呿鯨鼉深流此滙壑

甯河縣志

卷之十四 題咏

五

神州帶環瀛蓬島通至樂橋市幻殊觀蜃氣朝昏泊
極望無津垠海天莽遼廓

文閣廻瀾

文昌燦星精光照東城隈文瀾障百川恍若朝宗來
傑閣凌碧霄雲漢同昭回憑欄縱遐目頓使心胸開
紫氣滌滄波下有珠玉胎鍾毓富地靈竚看班馬才
蘆臺玉砂

王政富編毗鹽澤乃國寶蘆臺積鹵煎千里流膏浩
地產貴虎形嘉實同登稻素色映朝曦皎潔明如縞

千畦若雪積萬竈成砂埽彷彿玉山行晶光紛杲杲
信是府海珍不羨京坻好沃饒近

帝畿斯民自熙皞

七里煙波

沽津瞰海隩七里疏上游淀泊互穿引纜分如鏡浮
極目肆汪洋渺瀰浩難收雲霞各蒸鬱渤溘凌滄洲
琉璃碧千頃颯爽饒清秋恬波森無涯羨彼鷺與鷗
依稀畫圖中天際浮輕舟

甯沽樵影

甯河縣志

卷之十四

題咏

三

澤中有萑蒲舟鮫所取給此地富葦材樵夫荷擔入
甯沽固蘆塲彼傭廣揆拾白雲滿前洲露重茫鞮濕
夕陽村路渺行行遍原隰薄暮中林歸行歌互相答
豈乏負經人衣裘反相識

江口漁歌

別口通浦處水深魚聚多漁人挈伴來荷笠而荷簑
舉網驚恬鱗發發出層波鷗鷺同忘機欸乃餘清歌
明月蘆花中寒塘風雪過入市沽美酒扶醉影婆娑
擊壤天籟鳴烟水渾相和

潮河銀練

薊門下直沾海潮通一面潮來如疊綺潮落似拖練
縠紋漾澄波積素豈待絢微風東南來臨流冷然善
渾疑漢女機剪下千匹絹小謝吟興清眼纈應成眩
北塘雙壘

自古防塘重况于遼海間屹然兩臺峙守是北河灣
聖朝重懷遠卉服皆承顏舟楫無長戍山海不置關觀此
故壘存控制如連環永看海雲深竚聽宵柝閒雲帆
集千艘豈慮商旅艱

甯河縣志

卷之十四

題咏

畱

海天東勝

增生廉垣邑人

委輸寥廓

帝畿東極目汪洋浸碧空但覺虛涵雲霧合誰知氣滿地
天同晶瑩日射千層浪磅礴鵬搏萬里風左輔雄圖
推獨盛載賡

清晏慶時隆

文閣廻瀾

長河混碧映雕欄萬象澄鮮一巨觀藻棟浮光連翠
岸烟波餘漲漾文瀾招搖斗柄星垣耀襟帶晴波海

宇寬

聖世菁莪徵雅化登臨久已盛衣冠

甯沽樵影

腰鑣荷笠事芻蕘景物無邊是晚霄烟水一隅浮荻
港夕陽千樹認溪橋擬尋斤斧歸川澤共說樵蘇有
暮朝滿眼迷離洲渚外臨風時送短長謠

江口漁歌

汎汎漁舟渺渺波數聲短笛出盤渦春風柳岸隔溪
聽秋水蘆花何處歌鼓柁江干斜照遠扣舷天際暮

甯河縣志

卷之十四

題咏

五

雲過行人若問生涯事鷗鷺忘機老笠蓑

海天東勝

舉人 廉永坊 邑人

畿甸分疆若股肱海天形勢擅 京東方隅百里環

宸極絕勝泱泱表大風

文閣迴瀾

傑閣差峩勢建瓴波迴曲曲自淵渟憑軒一望文瀾

瀾北斗長輝第四星

甯沽樵影

采采終朝日已晡行行歸影散樵蘇滿肩擔得斜陽

去十里甯沽一畫圖

江口漁歌

秋風颯颯水泠泠江口維舟日色暝一曲滄浪何處
笛蒲塘柳岸荻花汀

海天東勝

談勤邑庠

瀲灩兼天極海東無邊蒼翠洩溟濛三千地軸疑遙
接一線銀河似倒通霞湧赤鳥升貝闕浪浮金鏡照
龍宮扁舟更喜清風利萬里檣帆指顧中

文閣廻瀾

甯河縣志

卷之十四

題咏

五

數曲清流幾畝寬廻旋傑閣喜安瀾波光斜帶文光
澈奎影遙聯浪影寒月印潭中輝棟宇風來水面貼
欄杆誕登道岸非無路莫望汪洋發浩歎

江口漁歌

蘆洲柳港韻泠泠乃漁歌遍遠坳鼓柁幾回龍出
壑扣舷三疊鴈歸汀岸頭月淨平沙白波面煙浮遠
樹青曲罷啣杯招醉夢滿簑涼露不知醒

七里煙波

羣流容納渺無端一望淙淙七里寬遠接北河多滢

瀆勢連東渤更瀾漫蒼茫直壓淮漁淀澎湃平吞赤
澗灘宣洩倍宜參水利烟波莫作等閒看

海天東勝

苗一鵬 邑庠

洋洋東海表渠梁此地朝宗近

帝鄉浴日有瀾驚旅舶浮天無岸接扶桑氣吞仙闕三山
小波撼秦城萬里長一片空濛窮目處廿年宗慤志
難忘

文閣廻瀾

文昌高閣壓河灣激瀉溶溶去復還曲水潮聲旋北

甯河縣志

卷之十四 題咏

五

斗迴紋浪勢捲西山中流兀望層樓外砥柱雄觀畫
棟間變化魚龍芹藻暖朱欄遙接碧潺湲

潮河銀練

飛濤天外落銀河兩岸平時匹練拖魚尺橫流量碧
水龍梭夾浪織金波湧來鮫客呈文錦望去靈妃獻
素羅一帶晴光連皎月裂繒還是櫓聲過

江口漁歌

一曲新詞一釣鈎蘆花深處蕩漁舟施罾野港歌聲
起撥櫓江村笑語稠鼓柁無腔邀夜月扣舷有韻繞

河洲錦鱗換酒臨風醉嫋嫋餘音雜水流

蘆臺玉砂

李念祖邑庠

美利行知有自然海濱斥鹵勝桑田蘆臺一片豐年
玉貪得天工日萬錢

潮河銀練

潮頭風湧海門開百里長河滾滾來濺玉跳珠銀作
練垂天雲漢象昭回

七里煙波

茫洋巨浸海之濱似海名傳海已真百道河沽秋水

甯河縣志

卷之十四

題咏

美

至煙波七里浩無垠

北塘雙壘

北塘殘壘憶何年猶自雙標接海天昔日邊防今好
景

太平久已靖烽烟

海天東勝

高鎮府庠

長天雲水總空濛萬怪包含浩渺中早晚潮生風又
起驚濤如馬海門東

百谷名尊萬派朝東南地缺水連霄帆檣出沒烟波

裏圖畫天然不用描

北塘雙壘

荒壘依然控海天兩厓雄峙閱烽烟幾回登眺尋遺蹟父老猶談備寇年

頽垣廢址半銷磨舊事傳聞感慨多今日海氛長不作繞臺流水總

恩波

海天東勝

翟廷霖 邑人

眼界一時濶江河盡等閒天圍無岸水地隔有神山

甯河縣志

卷之十四

題咏

弄

濤湧龍腥起帆穿蜃氣還扶桑何處是約畧彩雲間

梁城所

邑令 王朝渠 江西人

成皇起北平衛置千戶所其官隸指揮其職任守禦

於此稱梁城厥義莫昭著後之無識者庸妄不稽古

謂由劉仁恭常坐鎮斯土爵曾封梁王城名由此取

我云仁恭封前史弗之觀篡代當朱溫一時難同語

且仁恭在燕苛暴如猛虎定霸黥面文年始十有五

大安恣驕奢荒淫羅婦女名果由斯人後賢應共吐

我為訂其訛儲糧未備舉

儲糧城

前人

今者甯河縣古之儲梁城儲梁自何代魏武紀分明
桓桓曹孟德蹋頓將徂征二渠肇開鑿汎海來香秬
南以朔滹沱軍糧猶留名其北達泉州儲此給厥兵
數面水環繞無假高閘閔神龍姜師度循此舊軌程
史言避海難薊運想蚤成云胡不學者渠梁妄改更
渠上架小梁稱城真瞽盲陳志及唐書畧舉告後生
蘆臺軍

前人

天寶政紊亂安史擅漁陽鞞鼓震陸道瀕海隔汪洋

甯河縣志

卷之十四

題咏

本

忠臣乘冰堅步卒葦筏杭至德三載後定更增海防
蘆臺設軍鎮斯應爲濫觴劉趙房李輩赴赴踞北方
史稱河東西南北今殊唐闖闖有遷徙憶昔嗟彼猖
德鈞胡爲者跋扈陸且梁奉王旣失節虐民尤多殃
縣志首名宦考覈太弗詳

私鹽歎

前人

天地不愛寶原以鞠斯人獨慨產鹽地若天苦厥民
如我甯河縣建依渤海濱淀有九十九潦歲無涯津
靈雨稍愆期勺水等八珍澤藪豐葦草頗足供柴薪

或織爲簟席亦可佐蒲茵厥土惟赤城蚤寒裂成皴
廣種力穡事薄收虛其春萊蕪雖閒墾莊農最艱辛
祇賴古潮河鹽鹵生相因隸籍咸竈戶玉砂白於銀
攤曬廢熬煎妙術悉由神奈自管敬仲府海忘黎黔
肩挑與背負

聖主憐孤貧賤商恣壟斷會計極纖塵老少給幾何生齒
日紛紜境罕良田疇俯仰懷莫申挹取邁易易阜通
殊踈踈徇窳設要路昏夜嚴查巡遂使終窶子網密
恒逮身送官求懲創抵法難施仁豈不憫飢寒毋乃

甯河縣志

卷之十四

題咏

空

干咎畏且恐失寬縱俗澆未復淳姑息釀奸宄小惠
余弗循每治私鹽犯拊案增顛輦安得俾鹽溝悉化
苗懷新卽爲黃鬚草猶或給饗飧蕘稗三稜野果腹
亦足捫淡泊明吾志焉用鹽陳陳

賀邑中于思敬夫妻百歲

杜立德

邑人

古稀稱上壽况是百年人五福遐齡首三千大有椿
玉樞鏤姓字金簡葆天真地應丹砂迥朝隨几杖譚
人生何易邁伉儷復同臻給背光琴瑟雙峯峙岳神
皤顏偕以守黃耆列如賓永矢和鸞志長存並菡巾

雞鳴渾歲月昧日歷辛勤三萬六千日匪伊朝夕身
儀崇酌斗合行看避車紳蒲柳滄桑見星霜世代循
羅侯城比屋期醕賁芳鄰濁鏡懸今古斑黎閱舊新
戚朋儕輩少眉案兩人因鶴髮瑩秋月晶眸動昴辰
天開平格遠星耀老人頻寶笈通無極海籌添更諄
馳聞上國瑞就見一方珍連璧盈春酒青牛介壽長
北閣遠眺
前人

白練長流過遠山炎蒸半歇水潺潺輕鷗飛落烟波
裏佳樹橫斜夕照間海澨天連撐碣石岩巖雲護聳

甯河縣志

卷之十四

題咏

空

燕關田疇菁或逢秋近霖雨蒼生悉暢顏

其二

南薰殊勝芰荷灣禾麥盈眸綠畝間夏屋林高清氣
爽海天雲淨客心閒孔穿石頂千秋月蜃吐烟樓百
疊山習拙不知牛馬應螯肥酒熟醉初還

其三

窺管何從世事聞攜筇散步晒氤氳盤印晴展千巖
翠潞浪帆開萬艚雲藏笥古書長物在躍津龍劍幾
時羣天涯風雨秋光轉小閣蒼茫對此君

南船

判 王鍾霖 山東人

一棹全家有經年託水波
巧梁餘犬飯謀利老漁簑
就暖依冬岸浮生在北河
永尋安樂泊何處見兵戈
蘆臺鎮懷向欣齋軍門

前人

節駐蘆臺鎮輔東將軍謀
畧漢臣風吹螺大海旗雲
綠試馬荒場獵火紅裝軸
好傳平粵卷藏弢永寶射
潮弓而今爭說留遺跡垂
柳環營引水通

漁父詞

前人

川有鯉港有鯊銀魴紫鱗
網籠挖風挂席雨披簑相

甯河縣志

卷之十四

題咏

奎

與泊乎蘆之坡東船小兒
喚鴨鶩西船老翁白頭科
有酒有肴胡不樂邀鄰船
人醉且歌南有烽火不可
去糧船不見見兵戈何不
北到蘆臺河蘆臺河上海
舶多海舶估客新發富願
東收麥西無禾只圖黃金
量滿斗那管大洋浪起如
山栽蝦鬚豎桅鬣鼓扇若
有風吸口張鼉須臾巨鼇
橫亘不見日陰風悽慘夜
叉雜怪魔大舶如葉人如
豆能禁鰓魚牙齒一錯磨
今年揚帆去來年不見他
妻孥歡笑挽綺羅幾日又
作號寒哥噫嘻吁嗟如此
風波可奈何縱然得寶那

敢過不如一家漁船駝年年修補安樂窩

還里後經故壘弔樂軍門

高靜邑人

黃雲捲沙風撼海兵後荒涼舊觀改鴻雁無依飛集
村蒼蘚白草遺臺在人指庚申年戰臺樂公猛勇真
奇才自六月中兩三捷炎蒸兵馬衝塵埃三千步軍
騎七百禦十萬眾臨河隈失地旋復復旋失將士飲
血聲喧歷七月五日將星隕陰霾壓地天鳴雷南營
從此無保障由津至潞軍鋒摧當時客館未親見眾
語流傳達京縣追述然礮自舉火身被兩傷尙催戰

甯河縣志

卷之十四

題咏

齋

以後難支乃自刃剛毅殉節遙稱編史書以外先紀
詩他時再讀忠義傳

北塘海口

前人

雲霞明島嶼勝蹟海門東潮湧兼天白烟銷浴日紅
千帆飛鳥外雙壘夕陽中設衛因糧運非關尙武功

其二

前人

朔塞天連海泥鹹百草枯梁唐驅戰士洪水備倭奴
烽火餘邊地關河攬壯圖祇今射雕處風日滿平蕪

其三

前人

萬里黃雲色風沙大漠沉塞山開曉霽海氣入邊陰
轉餉閭閻力防秋將士心時清留保障要識

國恩深

其四

前人

八極皆環海歸塘勢控東重明生日月元氣孕洪濛
靈異三山遠朝宗萬里同澄清涵

聖澤制外本安中

梁城古迹

前人

誰尋五季事悠悠八景依稀縣志收映雪高臺鴻爪

甯河縣志

卷之十四

題咏

奎

印屯軍舊井馬蹏留北山匝地烟嵐接東海浮天日
夜流此際登臨清宴候沿河來往集糧舟

石匣詩

並序

前人

甯邑於雍正九年自寶坻分縣袁公黃字坤儀
號了凡江蘇嘉善人萬曆丙戌進士除寶坻知

縣有政聲本劉愛禮舊說著功過格人多宗之

有兩行集詩文傳世今甯邑蘆鎮南道旁有殘

石形類匣俗人傳爲袁公得仙書處或謂由此

仙去詳攷明人載記袁公由知縣遷兵部主事

以壽終知其爲荒唐之談余過其處因作此以
解眾說流傳之惑焉

宇文石獵碣訛作周宣年附和不細察疑悞遞相沿
袁公崇儒學宰邑稱仁賢著爲功過格平生用力專
孝友亦居功竹垞議其偏特用導林眾去過結善緣
循吏名垂後仰望如登仙奚待身羽化乃爲全其天
遺石何所用尙留官道邊好刻功德碑泉州政績傳
讀王剛節傳書後

由翰林
官御史朱琦
廣西人

皇帝廿一載逆夷寇邊陲定海城再陷三總兵死之

甯河縣志

卷之十四

題咏

奕

其一鄭國鴻其一葛雲飛公死尤慘烈寸磔無完屍
親軍數十騎鏖戰同燼灰先是裕制軍仗鉞往誓師
余督爲犄角三鎮受指揮要害議分守險艱安敢辭
甬道僻海陬鋒刃苦新罹流亡招未復怪鴟啼蒿藜
荒郊背厓砦曉峯何嶽嵒竹山障其南仄徑窮烟霏
兵法忌阻隘技擊無所施峩峩九安門獨力誰能支
公率壽春兵帳下多健兒列柵據峯坳彼虜潛來窺
我兵壁壘堅無從抵其巖賊退攻竹山巨礮轟奔雷
乘勢破曉峯城角忽崩摧公乃急赴援事已不可爲

鄭帥斷右臂裹創強撐搢張目猶呼公揚揚如平時
葛陷賊陣間血肉膏塗泥或云没入海舉火欲設奇
一酋自後至剗刃裂其臍惟時海色昏頽雲壓荒陂
公棄所乘馬短兵奮突圍前隊旣淪亡後隊勢漸危
相持已七日援兵無一來公死復何憾公名日星垂
昔年戰渾河奮搥鞭羗夷平猺盪苗疆奪蝥居前麾
鯨鯢坐可屠何論鼠與狸命將惜非人措置乖機宜
傳聞祭纛日公潛語所私吾已辦一死此行必不歸
大帥奔甯波招寶旋傾頽同一委溝瀆可憐損國威
稍喜劉中丞鎮定安遺黎用兵今兩年我

甯河縣志

卷之十四

題咏

七

颶風吹怒濤沿海半瘡痍老弱僵道旁婦孺走且啼
皇日嗟咨旣苦經費絀又虞民力疲專閫成空名文吏習
罔欺寇至軍已逃兵多餉空糜頗聞陳將軍戰没江
之湄歸元面如生大名與公齊世論泥成敗事後多
詆謔若公等數輩使建大將旂進可殲兇鋒退必堅
藩籬何必貽隱憂歲幣爲羈縻

國家重武略忠義懷前徽死事例議叙優典極寵綏諡
公以剛節祀公有專祠公名曰錫朋傳者宣城梅我

爲補所遺長歌告予悲

題王剛節公神道碑

蒲州府 蘇於沛 山西 教授 人

定海城頭颶風惡蛟涎鯨浪紛激薄大船已卻小船
乘竟使天邊將星落老成應敵握勝算葛鄭兩帥曾
犄角相持已經六晝夜無那淫雨困腰腳將軍披髮

謁

帝廷

至尊聞之懸膳停 賜諡 賜卹還 賜廕殊勲金石難

爲銘維公浩氣膺

甯河縣志

卷之十四

題咏

矣

天眷西域南天屢傳箭百戰終殲李黼身

九重早識真卿面氛消駭息恨難窮使君今喜治河中示

我真珉飲我酒臣忠子孝兩無負攜歸展誦心爲摧

不禁涕淚橫兩腮挑燈舞劔不成寐定有英魂紙上

來

讀剛節公墓誌銘

邵汝成

鯨鯢鼓海妖氛黑日色慘澹天容憾蠢爾英夷情巨

測定海再至紛烏集壽春都督甯河傑王公銳勇名

早立偏師奮禦撓鋒鏑同時二鎮聯羽翼葛公鄭公

兩戮力積六晝夜鏖戰擊孤城望氣全軍墨指麾眾
士頻義激慷慨直前一當十飛礮縱橫逆勢急土牛
摧堦走沙礮周山見觸月見蝕三公同難今爲烈尤
慘公屍久莫得聞者傷心罔不盡

天子省奏揮淚敕追慰忠靈卹賞特易名剛節崇表式溯
公平居攄胷臆生不封侯雲臺側死亦千秋列血食
卽言見志在報國臨事死綏無復惑叱咤如聞誓滅
賊公之英聲徧八極食祿盡命勵臣職愧彼媮嬰事
粉飾君不見漢家邊臣甘縱敵糜餉無功民飲泣又

甯河縣志

卷之十四

題咏

究

不見西山寇至聞風走輪臺劍河棄不守焚掠才過
黯夕曛悲風颯颯疑愁雲沙場未見戈矛接郵騎但
聞疏報捷淒涼古事傳豈訛鑄鐵成錯無如何睢陽
抗賊殉疆土史册炳耀昭千古我公忠義侔前賢懍
懍生氣神在天銘辭紀實兩不朽嗚呼死日猶生年

謁王剛節公祠

苗夢蘭 邑人

軒軒高舉公之容皜皜不磨公之忠猗疆徇域百轉
戰用間出奇成大功太平世界不用武寄任封疆教
部伍緩帶輕裘羊叔子雅歌投壺祭征虜政暇有興

卽揮毫淋漓墨海翻洪濤指頭突出出奇氣忠肝義
膽若與遭定海一日寇來矣旌旂蔽天帆壓水

帝特簡公往殲之煨礪戈矛修弓矢鏖兵六日儲糧絕瘡
痍一呼猶成列蟻聚蜂擁勢莫當城破身殉盡臣節
大節昭然軫

帝心建祠立祀酬公勲而今而後庶無愧孔曰殺身而成
仁英雄能作聖賢事往範遺徽猶可識祈連寂寞在
蘆陽一瞻拜之一垂淚

觀海行

孫世恩 邑人

宵河縣志

卷之十四

題咏

辛

數月栖遲在海鄉故人相導來望洋久思此舉旋不
果恐驚波浪鬣爲霜平生壯觀奚逮此交臂而失心
慙惶飄然直向濤頭立天吳比我究孰狂果然觀海
難爲水呀呷澎湃窮形似鼓怒遠盪地維空揚浮高
逼風雲起洄洑若覩蛟蜃蟠奔駭疑有鬼神使茫茫
驚波無始終人心竦怖魚龍喜白日慘淡歎溼烟水
天中爲相締連海賈造舟逾十丈一葉掀簸渺冥邊
望中島嶼形齒齒須臾吞沒微露巔浩蕩豈隨天地
滅吁嗟調語變桑田沙汭縱眺興磅礴頓使胸懷爲

展拓祇餘海市未得觀茲遊已堅後遊約我才我望
遜髯蘇何敢靈異乞海若或可重來遇無心縹緲空
中出樓閣

過杜相國故宅

翟文臺 邑人

繁華世界如花草旋開旋落隨春老每歎人生過隙
駒安樂門庭難永保城中有宅擬官衙羣識當年國
老家開國功勳耀千載鐘鳴鼎食足豪奢崢嶸甲第
邀

榮賜高懸匾額書金字聲氣居然仕宦家街衢艷說誰能

甯河縣志



卷之十四

題咏

七

置少陵舊裔儘人傳世澤於茲歷有年相繼綿延永
不朽相公步武承其先相公起授中書薦官階屢陟
人爭羨

聖主優崇

賜宴時

特恩列坐

先皇殿子弟承

恩侍

禁闈一家門第生光輝光輝門第梁城裏貴勢炎炎莫

可幾崇隆棟宇連高厦侍從紛紛耀車馬重戶深扃
挂獸環飛簷直聳排鱗瓦畫檻珠簾未許窺錦茵繡
幕有誰知黃金買婢侍顏色白璧貽人示寵施勢如
流水趨東海海變桑田人事改轟雷掣電倏然息門
前祇有青松在斜陽閃閃厥亭臺王謝堂前燕不來
院落莓苔和雨溼墻垣荆棘拂烟堆中庭花木半枯
朽石家金谷都無有老樹棲鴉高下飛空梁跳鼠東
西走昔年會上舊廳堂故主慇懃彩讌張回首恍然
成一夢教人空憶滿庭香盛衰轉瞬今猶古塵世榮

甯河縣志

卷之十四

題咏

七

華無定主豪門第宅尙如斯村落人家奚足數畫棟
雕梁瞥眼休荒煙蔓草儘生愁從來不少公卿輩富
貴於今誰久留

登鎮海臺觀海

前人

濤頭一線翻空來鯨鯢破浪蒼煙開東風捲水吹海
立濁流滾滾波成堆掀山拍岸聲如鼓轉瞬汪洋沒
沙浦遙看巨壑渺無邊高聳直凌天尺五海口催來
下水航飛行急似箭離絃氣吞島嶼游魚避聲吼乾
坤飛鳥還須與天半陰雲變紛騰恍惚蛟龍戰雄壯

直恐晶宮摧昏闇偏教銀海眩枚乘昔稱廣陵潮潮
高數丈冲雲霄坡公更有看潮詠萬人空巷爭喧囂
豈知此間潮亦猛月分強弱人咸警更愁風雨勢相
兼糧艘往來驚擊打萬里蓬瀛東復東煙濤相接來
無窮褰衣拂袖陡然起願效宗慤乘長風乘風思欲
飄然去身非列子誰能御雖云濯足萬里流不識蓬
瀛在何處自顧原非浮海人身居此地愛淵淪幾見
洪瀾迴紫氣還將勺水洗紅塵海天彌望孤舟夕曠
觀宇宙中情適等閒風定浪花平長嘯一聲空水碧

甯河縣志

卷之十四

題咏

三

梁城懷古

前人

魏勢全無跡尚存當年曾說備糧屯橋邊舊路餘殘
碣樓下荒基剩斷垣五代江山忙過眼一城烟水劇
銷魂興亡莫問前朝事簾捲斜陽獨倚門

剛節公祠

前人

廟貌巍巍在英靈一代存祠基參地勢碑語荷

天恩破賊心難慰捐軀事足論素懷崇節義灑淚弔忠魂

海天東勝

前人

浩渺無邊闊蒼蒼澤國東雙青天倒海一碧水浮空

雲接波濤紫霞連島嶼紅朝來閒眺望初日早晴烘
文閣迴瀾
前人

迴瀾通巨壑高閣壓城隅宛轉映丹壁滌澗蕩碧蘆
細紋疑織錦圓影想藏珠更看波光淨環流紫翠紆
蘆臺玉砂
前人

神母傳靈術鹽如散玉砂飛霜疑作粒積雪燦堆花
色異空青產形堪皎白誇燒成磚入式依例貢

天家

潮河銀練

前人

甯河縣志



卷之十四

題咏

七

早晚潮微湧隨風引溜長波原通碧海派想接紅牆
龍化金梭織魚拋玉尺量最宜雲錦映相對各成章

甯沽樵影

前人

細草連村合居人事採樵碧蘆和露刈黃葉帶霜挑
圓笠迎朝旭長歌答暮潮歸來家未遠行隔夕陽橋

江口漁歌

前人

江干漁子樂隨意發清謳短調驚汀雁長吟寄水鷗
榔鳴雙槳月笛弄一船秋沽酒尋同伴相邀共唱酬

七里烟波

前人

非海偏名海波濤縱大觀漁村環水聚蟹舍繞流寒
斜照隨帆轉長天倒影看笑他簑笠客身世一漁竿
北塘雙壘
前人

故壘至今存巍然峙海門軍官新例重兵備舊時屯
隔岸基平列沿流影倒翻烽烟時早息但聽浪聲喧
重九登濠墻
翟文翰 邑人

歸里逢佳節登臨顧盼雄烟浮秋水碧霞映暮天紅
泛酒思黃菊裝詩有翠筒此間多野趣堪入畫圖中
杜氏宗祠
前人

甯河縣志



卷之十四

題咏

七

環城流水映祠堂開國勲名衍澤長一代鼎鐘隆寵
眷千秋俎豆薦馨香庭餘槐影儲公輔地列松圍毓
棟梁好向春秋留祀典子孫繼續奉烝嘗

擬吳烈女絕命詞
邑南高家地廩生王枚繼妻吳氏無子有前室子年二十許枚因家貧攜妻子館於蘆臺吳蘆女也枚暴病吳求醫罔效遂吞毒先死枚病中使告母家母家云彼早有是言今果然歟越日枚亦卒余館於王剛節家聞之甚詳余素不曉詩擬此聊以記事

談松林 邑人

不能保君生不忍見君死死况定何如妾先嘗試矣
有親當奉親有子當鞠子君早謝高堂有兒長其齒

妾何用生爲泉臺豫料理有幸君得生不難重正始
地下作孤魂差勝媼孀姊况已病瀕危非復杖能起
爭君一刻先遲懼不我以同穴最歡娛終古長相倚
其二

人死有靈無渺茫事終疑君死妾不死有靈傷別離
君死妾方死無靈君豈知欲得兩無憾死君未死時
完聚死亦樂剖分生亦悲攜手上泉路鴆毒甘如飴
視死如歸去敢曰媿鬚眉捨命不捨夫兒女太情癡
得先死者去不畏生者嗤棺蓋是與非人言兩聽之

甯河縣志

卷之十四

題咏

美

輓張家莊劉烈女

女幼字廉善次子未婚而夫歿
女聞訃刎頸死有傳見藝文

廉 鏞 邑人

植紀扶綱本至行權將激烈播麻聲夫亡詎忍須臾
待妾命難留頃刻生尺組已完今日事寸心遑許後
時名幽齋我亦閒觀史多少英雄志未成

其二

拚將弱質立綱常一死長留姓字香刀劍有銜皆凜
烈泉臺無路不淒涼從今正氣存閨閣自古賢媛孰
頡頏珍重他年修史者好憑椽筆表幽光

輓廉星瞻大令

安徽歙縣人 吳紹英

君不見安史之變起李唐大聲鼓擊來漁陽真源殉
節乃一令千載俎豆何馨香古來忠臣監止水食君
之祿爲君死歛令廉君茹經史一片丹心差似此自
從去年始下車眼前時見馳羽書地方積弊救不得
填胸之忿何時舒山城地僻抑何恃險有六嶺環而
峙當關但使留一夫十萬狂寇敢窺伺今年粵逆竄
黟城風聲鶴唳時相驚官軍無糧曳兵走蕭蕭一夜
班馬鳴當道諸君事征戰談虎聲低亦色變飄然竟

甯河縣志

卷之十四

題咏

七

入深山深野鶴孤雲踪忽滅是時闔外徧干戈狼烟
十里漫山阿長官登陴啜其泣請纓無路今如何回
身獨自入官署太息今朝事已去傳家忠孝有賢郎
一紙遺書重告語自經溝瀆亦匹夫以之報國誰曰
愚桂花二月忽怒發旬日屬纊香凝膚人爲公死惜
云是區區守一邑胡不秦庭效乞師一戰猶能樹功
績我爲公死喜成仁取義良有以文山正氣塞蒼冥
如此真堪寄百里吁嗟乎丈夫血性人盡同能爲國
死良可風賢哉明府與少尹合建以廟稱雙忠

前題

安徽歙縣人 程恩詔

蒞任何曾一日閒千秋浩氣塞塵寰臣心自昔清如水
水土節從今重若山堪紹睢陽當日志不殊先軫舊
時顏奇花特爲孤忠發二月人爭折桂還

其二

前人

但識城亡亦與亡忍看強寇肆猖狂鴻誓欲戢烽烟
後鶴唳頻聞夜月長慷慨捐生光日月從容就義植
綱常櫓槍未掃雖遺恨贏得芳名萬古香

烈婦詞

劉承福 邑人

甯河縣志

卷之十四

題咏

美

天地正氣何所寄惟在忠臣與孝子靈秀鍾毓及閨
門貞媛烈女接踵是從古迄今幾何人厥迹一一昭
青史有能設計除凶逆有能手刃誅奸宄或因人執
斷其臂或因自誓截其耳之死靡他矢此心遺事感
人生仰企要皆有激使之然不平則鳴相比比孰若
幽燕有奇女直將隻手扶倫紀嫁得兒夫系出陰乘
龍恰值龍門李錦囊佳句欣倡隨雕冰鏤雪差堪擬
每論在昔節義事不覺恨深時切齒性之所近感隨
生往往流露詞章裏無端二豎忽相侵漸入膏肓勢

難起昊天不弔降鞠凶呼籲無靈夫壻死搶地長號
痛不勝鵲啼猿唳增哀毀含悲忍淚謝高堂從一而
終本天理所賴奉養有諸兄一女無依託娣姒人言
節孝不兩全婦意顧彼難顧此長留絕命小詩成奇
節流傳新寨里往代貞姬高莫攀直與後先爭媲美
慷慨捐生世所難就義從容又進矣採風問俗資闡
揚如椽大筆推文士例之買絲繡平原女範還應百
世祀我今彷彿憶芳蹤欲形高潔將奚似磊落千丈
龍山石漣漪萬古灤河水

晉河縣志

卷之十四

題咏

堯

論曰詩者王者之迹也賦者古詩之流也先王命太
師陳詩以觀民風以是厚人倫美教化移風俗而登
高作賦不失古詩惻隱之義故其源同明于其旨則
撫時感物吟咏性情鋪陳始終抑亦風騷之裔也因
哀集題咏爲藝文之殿曲終奏雅徽徽洽洽用以昂
藻淵流無乖商摧云爾